

慶應十家絶句

下

部	書	持	第
近藤氏藏書	第	全	人
	二	二	一
	冊	冊	二
		内	號

柳田文庫
 文庫11
 A1175
 2



文庫11
A 1195
2

慶應十家絕句卷下

武州石內田脩公均編選

毅堂鷺津先生

名宣字重光一號蘇洲漁者尾州人文政乙酉生
著有遷喬書屋詩文鈔五卷

致仕

晴牕一枕日高眠無復榮華到夢邊
退位唯當稱菩薩
避嫌何必學神僊

首春同諸子遊墨陀

江頭春早未繁華小艇繫時殘照斜
東風青閃竿之影

毅堂

慶應十家絕句卷下



近水樓臺半酒家。
棹向江心眼界寬。
東風剪剪起微瀾。
春船一隻侯家樣。
紙障施來巧避寒。

詠史八首 節四

猾髡逞志諍臣疎。
國脈當時縷不如。
公也傍觀空袖手。
多年留學讀何書。
朝議因循驅衆朴。
隱然早已霸圖開。
兒孫不學乃翁志。
却襲餘威營利來。
權臣掌上弄坤乾。
誰道重來不直錢。
萬世爭攻蘇我惡。
焉知心法自渠傳。

奸人手段豈終窮。
單得群雄在藥籠。
休謂謙冲能守分。
取珠還積是家風。

溪山僧房圖

雨後嵐光眉宇浮。
袈裟相伴涉清流。
空齋留得閑雲住。
萬壑松濤去聽秋。

晚歸逢雨

一鞭衝雨沼湖還。
頃刻春雲變幻間。
此際合成南北畫。
將軍樓閣米家山。

讀陶詩有感

兩晉唯推栗里陶。
閱來句句逆風騷。
堪嗤潘陸誇工巧。

畢竟人高詞亦高

瓊山松平侯延余燕室閒談數刻席上賦呈
又延韋帶禮何寬簾幙深沉護暝寒談到樞機灰數畫
一爐炭火與心丹

與諸子分詠烈婦

奚疑詞賦解驅邪一片冰心映鏡華推類叔姬吾不信
名媛翻出逆臣家
環繩一死送征鞍歡為君恩妾為歡千里魂追東下路
馬頭應見月團團

湖上晚歸

澹烟遮斷水心祠欵段騎歸落照時微暖東風天欲雨
躍然春鯉聖先知

蝦夷竹枝五首 節三

個個橫刀帛帶圍賜酺公解蹕歸就中先認羣酋長
披得天吳舊繡衣
海上風高浪蹴天鬣胡轉棹遡前川一羣葵大慣驅使
沿岸牽來查合船
頽波段段漲冰澌正是青魚欲上時醉舞踟躕祈大獲
玄熊白酒判官祠

園居

風檐金鐸響琅玕。避暑村莊夢亦清。萬綠當軒一時駭。
高荷大芋雨來聲。

美人摘菜圖

春園月落曉沉沉。一片尖寒逼繡襟。又為龍鶯朝餉急。
玉纖和露摘薑心。

賀川田毅卿新娶

恰好芸窗連綺疏。新昏告假半旬餘。一枝抽得畫眉筆。
學取東萊能著書。

講尚書

是真是偽太紛然。當日漆書仍或傳。世間漫貴梅家本。

焉識纔多十六篇。

可惜永和歸一空。聖孫曾是讀纔通。校書當在獲書後。
早已恭王愿土功。

菜市

重檐却時塵既開。村墟雨過泥輕埃。羊魁淡紫山丹白。
渾帶西郊露氣來。

送長井會卿歸越後

旅裝尤重是奚囊。沿路開花次第芳。越女從來轉喉妙。
按君詩句一春忙。

詠明季遺事

光霽襟懷迹不拘。香衾一領伴名姝。人間寧欠楊家妓。也自軒聲認大儒。

孤軍遠出絕應援。自分捐身報國恩。莫把楚臣容易比。生前一醉買餘歡。

絕島大南半壁開。將軍此處駐行臺。廟門一炬焚儒服。吹起朱家餘燼來。

避債泉臺情亦真。好頭頸殉絳雲春。如何黨錮無雙士。青史輪佗紅粉人。

將歸省留別家人

天月圓時定到家。郵籤計日路程賒。此行不為鱸魚膾。

擬把新詩補白華

雕蟲

才到劉曹寧有功。區區末技奈雕蟲。平心一誦倡優句。此段權郎論太公。

北對新洲翁太公

本陸隱曹軍曹收函函末外未詳詳為平公一語

謝外海詩前自序

松塘鈴木先生

夫名元邦字彥之房州人文政癸未生著有松塘小

稿一卷松塘詩鈔二卷房山樓詩四卷

二月十九日出門口號

欣欣開到僕夫顏一箇無人別淚潛脫却十年塵務縛
浩然和醉出柴關

二十六日函嶺遇雪

落盡梅花開盡桃裙腰芳草映征袍寧圖今日函關道
一幕天風剪水高

岡崎驛遇重三

松塘

家家樓館笑歌酣。佳節無人共一談。柳綠桃紅孤店酒。
三河道上作重三。

勢州道中

絮飛柳絮日偏長。路上行人自不忙。一望春疇金萬頃。
蠶臺花漲午風黃。

津城訪拙堂齋藤翁

令肅街衢夜不喧。高城百雉壓津門。怪看星斗多輝彩。
下有靈光魯殿尊。
夫子關西名久知。今來得見未嫌遲。手煎芳茗留吾啜。
先覺多年渴想醫。

宿草津驛

函關風雪荒江浪。五十三程餘。一程明日看花應入洛。
幾回視夜候陰晴。

遊嵐山

傾城士女趁春遊。一路香塵漲地浮。惹得轎夫忙盡日。
雙肩頰殺不曾休。
鴨川昨日濯征塵。又著遊筇堰水濇。一領藍衫千里客。
半天錦繡十分春。
竹絲嬌倚玉人謳。狼籍行廚沙水頭。正是嵐山三月半。
滿川紅雪撲春愁。

曾遊九度換韶光。花底春風重把觴。一樹隔溪遙認我。
當年似記少年郎。

枕流幾樹漾清漪。點綴青松恰則奇。絕色何爲高士累。
紅顏相倚歲寒姿。

平城道中

客路花飛爭送人。暮雲喬木故都春。荒陵草棘衣冠盡。
祇有金仙閱劫塵。

芳山懷古

南狩匆匆事可嗟。皇居曾寄梵王家。櫻花不識市朝變。
猶向春風望翠華。

想見行宮御錦茵。亂離亦復賞芳辰。于今萬樹山櫻白。

曾閱延元統紀春。

淀水舟中

低昂水枕夢難閒。船抵清江第幾灣。悄絕蓬窻殘夜望。

一梳月吐四更山。

四月十四日自寶津下峽舟中得絕句九首

寶津路上不迷津。破曉篙師放小輪。無數好山齊掃黛。
一時來迓昨遊人。

昨日陸行今水行。逸勞雖異兩怡情。看山我具看詩眼。
妙處何嫌再品評。

忽然危石激奔瀧直欲磨牙齧客艘誰料長年絕倫捷
輕篙應手劈巖撞

亂立石疑跳虎豹倒垂樹類挂獼猴溪山踴殺詩人了
百出奇思未肯休

一落驚湍激石磯浪花碎作雪花飛怪看溪客投空釣
鉤得香魚幾寸肥

貪看青山雙目張要逢佳處屬佳章一吟未了幾峯過
刻燭分題無此忙

周公化去六十年無復騷人遊跡傳倩誰千尋摩絕壁
為他大刻錦囊篇

山圍溪水水衝山出沒輕舟怒浪間纔瞬下灘來放棹
匹如鏖戰一場還

直抵嵐川峽始開千巖秀色首重回若為少緩弄流水
一棹看山更溯洄

訪細香女史見贈其所畫墨竹并題山水小景
一絕因賦之為謝

咏絮才高足解圍仲姬墨妙更應稀清風幕地吹人倒
一朵湘雲劈紙飛

虛心貞節兩相宜維竹維人豈易窺自有風中香細細
不容俗士漫聞知

小憇臨泉寺望見世所傳浦島太郎釣臺者戲
作二絕

誤開王筍一傷悲。明鏡無端白髮隨。想見當初垂釣處。
澄潭映徹少年姿。

驚歎仙郎忽變翁。幾年作壻贅龍宮。不知歸日重遊此。
可有王姬一問通。

紫府嶺絕頂作

飄飄雲袂倚崔嵬。笑嚼峯頭積雪皑。果是儂身有仙骨。
公然紫府御風來。

昆溪長谷川先生

名域字子肇。一號醒翁。江戶人。高崎藩文化壬申
主著有寒香園詩文鈔四卷。同百律百絕。

靜姬奏舞圖佐野公席上分韻

貞心堅固賦繅章。唱立堂前舞袖長。郎母當年空踏雪。
事讐俯伏只柔腸。

仙棋圖

仙客圍棋意匠工。碧桃開落幾春風。人間百載歡娛事。
狂付須臾一局中。

訪戴圖

昆溪

雪月玲瓏互競光。歸舟水凍冷心腸。踵門不入轉蒿去。
惹得千年佳話長。

達摩圖

一葦絕江歸少林。風波踏破意何深。當時七百南朝寺。
樓閣莊嚴不愜心。

題錢篋為岡山生囑

人間濟度善因緣。偉略侯家在祖先。巨佛化身錢幾萬。
至今不滅德如天。

悼亡作三首

初更花落短檠紅。木葉無聲風陣唳。忽覺十年雙枕夢。

依依片月運寒窓。

孤衾如水曉燈昏。宿醉醒時破夢魂。起坐空房爐火冷。

半壘殘酒倩誰溫。主來客去豈因人。幾下靴占平天下。

暗彈雙淚獨傷神。悲喜相同十一春。強把豪情誇吊客。

新年不日娶新人。

花上金鈴

烏鶻驚飛鈴索風。不須園吏護嬌紅。豈知他日蜀山嶮。
重聽此聲霖雨中。

開春口占

嫩影浮窓夢忽驚。木綿衾暖覺春生。卧聞童僕諳家訓。

誦起年頭子曰聲

示門生

笑吾多病非才子。薄命真成似美人。賴有古書供細嚼。腹留糟粕也甘貧。

抄冬作五首 節二

茅檐風死雪華攢。一領綿衾護夜寒。僵卧幽人心不穩。為他瘦竹禱平安。
誰道書中德有隣。生來孤介豈因人。終年掉舌平天下。殘歲照謀救此貧。

送單靈僧

贈別片言公勿捐。文辭妙課也妨禪。百年彈指一身老。不解朝昏耕福田。

霜夜偶成

鴈陣亂時寒月高。松聲竹韻互呼嘵。豪懷一掬消難得。獨對孤燈讀六韜。

鎌府吊古十首 節一

東海老鯨波底斃。南山白日土中昏。當年想見噬刀恨。碧草無邊舊血痕。

正博甲斐莊公招余文話終夕席間賦呈

詞鋒突出勢難敵。瑣瑣詩城中陣雲。將謂楠公千窟壘。

威風雄略遠傳君君楠公遠裔
句中故及

桃源圖

秦時隱者晉漁翁相遇相驚世豈同。滿岸桃花紅不變。嫣然千載笑春風。

春日病中作

吟身何日病魔降。孤負青春恨滿腔。梅月黃昏人不到。香烟結字謫書窓。

賞菊

三盃清味泛金黃。高士摘餘今尚香。好是滿城風雨後。籬邊獨賞古重陽。古重陽出
古今類傳

高崎道中

山楓紅淺染霜初。堤柳黃殘落日餘。客意殊驚秋物老。濁醪村店賣香魚。

詠史十首 第三

擲官垂老卧柴桑。正笏終生坐廟堂。隱顯不同雖異世。文華晚節一般香。

欲把文章超漢唐。逞威更擬傲鷹揚。青苗一誤蒼生計。千載薰風吹臭長。

中原回顧勢排雲。其奈大奸妨大勲。今日金元歸一夢。千秋生氣在孤墳。

冬夜

霜杵叩殘隣寺鐘。冰蟾影凍半軒松。寒燈分照一窻下。
夫是校讐妻剪縫。

書懷

水樓白紵映銀燭。煖閣紅裙依玉卮。夏夜聚螢冬夜雪。
何人此際坐書帷。

風流陣圖奉應惠齋世子索

海棠花暖睡醒時。笑向掖庭揚彩旗。狎翫三郎心未慊。
弄兵猶是待嬌兒。

讀院本戲賦

一從禪院別佳偶。唯恨朝昏相見空。因果輪迴煩惱熾。
六街燒劫及其躬。

換體千金是惡緣。三义水底命空捐。豈念當日王孫別。
麗句多情詠杜鵑。

一點芳心感愛憎。浮生消滅薄於冰。年年北里初秋夕。
照徹幽冥放錦燈。

Blank page with vertical lines for text.

雪江關先生

名思敬字弘道一字鐵卿別號樂谿江戸人土浦
藩文政丁亥生著有雪香樓詩鈔五卷

夫下國謁東叡大王

微臣賜謁法王宮蓮漏移遲曉日紅傳警有聲仙蹕近
寶鑪香洩寶簾中

舉兒

祖業百年封管城筆頭又見一花生書雖小技何容易
期汝宣揚六世名

兒望聰明亦不成臨池且莫墜家聲多才儻使如坡老

甘受聰明誤一生

東台春游遇雨

薄雲拖墨下濛濛。人立滿山微雨中。樹杪淋漓紅欲滴。飛花亂灑傘檐風。

聞桂花

何處桂花開一枝。天香下被暮風吹。未迎金粟如來面。先有圓通鼻觀知。

兼好法師

徒然草就悟禪初。宿昔勤王心未疎。欲伺北朝奸賊隙。為人破戒寫情書。

利久居士

雅會東山閱幾春。一筇拋撇手中神。當時豪俊多粗暴。茶禮先能化武人。

謝人贈貂尾筆

筆只要精不要麤。王家用意異裴虞。如今若寫蘭亭記。貂尾祇應換鼠鬚。

水殿避暑圖

芙蓉香裡御筵開。水殿風涼陣陣來。金盞玉觴常慣見。了鬟新剪碧筒杯。

秋日訪金洞師

雨後山容瘦更加袖詩來叩老禪家
雖僧侑我時新美
一鼎秋香煮菌花

展先塋

眼看川流去不回多時悄立寺門隈
晨昏汲取城中水
過我先人墓下來先塋在磔川水道端

白楊樹下悲風起雙淚揮來仍拜跪
欲汲井華灑墓前
吾形落水肖先妣

灤谿移居襟賦五首 節三

灤谿幽處又移居自笑吾人生計疎
筆硯詩囊皆整頓
併來厨具不盈車

心知血戚盡成隣屢遇仍欣情話親
誰識吾儂彈淚處
畫眉窓下寂無人予今春密內故及

茆廬何厭小於蝸園窄其如難種花
幸自近隣閒地在
移家未幾又移家

夏夜池端即事

茶籃酒榼各提携吟到小西湖岸西
好是微風涼月夜
孤將深處聽秧雞

美人喫煙圖

日射海棠簾幕紅鴛鴦繡倦取煙筒
狸奴不愛如蘭氣
却是逡巡避下風

次雲如翁絕筆詩韵

曾投瑤集是京塵。想見崧翁唱和親。今日堪嗟桑海變。

未經一歲兩無人。雲如有
京塵集

秋雪秋月俱一塵。雲濤雲如失相親。廿歲吟朋今剩二。

昆溪釣史枕山人。秋雪
葦屋別號
秋月晴潭字

縱然埋骨洛城苔。魂向家山暗地回。垂死不言嵐嶽好。

唯能著意賦東台。

雙林墜葉覆寒苔。憶起曾遊人不回。十五年前花月夜。

聯吟踏過小天台。

湖岸秋雨

傘屐來尋湖上秋。淡煙疎雨暮灣幽。黃花夾水蘸寒影。
數頃金波疑不流。

天竹蕭蕭送晚涼。涼風吹水散清香。涼天涼日涼對酒。

鐵幹衝霜不要扶。滿叢紅碎萬珊瑚。靈根元自南天竺。

莫是彌陀大念珠。

簡松靄上人

任他黃葉滿青苔。詩社邀公擬重開。莫做翠微雲意懶。

閒行時復出山來。

貧家索寞少人尋。杖似法堂幽草深。只為世間塵不到。

期他潔癖老雲林。

春夜步月奉和純齋龍野侯瑤韻
梅梢淡淡月方昇。吟步何嫌寒氣增。知有高人耽夜讀。
伊唔聲洩小齋燈。

小金原

平郊煙暖草抽芳。羣馬閒游嘶夕陽。不要一朝增市價。
世無伯樂復何妨。

宿吾孫子驛

吾孫子驛景蕭然。忽為地名鄉思牽。涼月滿樓妨客夢。
稚兒今夜傍誰眠。

土浦

霞浦霞消煙雨暗。櫻川櫻落綠陰涼。此行自恨尋春晚。
明歲重遊及艷陽。

霞浦

香墨湖平硯面寬。野田經界似絲闌。翰場物物由天造。
筑嶺仍為筆架看。

Blank columns for text on the right page.

釋錦湖上人華嚴地持寺禪師

名俊亮字祖彥武州人文化辛未生著有口業集

二卷

三日作

追慕蘭亭上巳筵曾將觴詠會群賢即今人士空闌醉
身後詩文有幾篇

漁父

孤舟是宅送生涯萬頃烟波隔世譁雲海不同官海嶮
敢將簪組換魚蝦

春日山中

錦河

慶應十家集 卷下
日暖山中積雪消。門前溪水響喧囂。已知漁父難垂釣。唯喜村翁可採樵。

插桃花戲賦

靜賞春光卧在家。笑他游客踏烟霞。一枝知足禪棲趣。瓶貯武陵源上花。

右大將軍獵富士野圖

誰言此獵武維揚。唯是豪奢戲一場。山野羽毛縱易碎。蕭牆難禦虎兼狼。

春遊

詩客心情愛歲華。放歌縱步野程賒。杖錢一擲春風晚。

先向村童問李花

高天厚地雪漫漫。多少叢林草木寒。唯有一枝能守節。白皚皚裏現心丹。

除夜

銀燭花開除舊臘。金鷄聲唱入新年。千門萬戶人皆鬧。此夕山僧出定眠。

感遇

屈子負才吟澤畔。卞和抱璞泣山中。詩僧何嘆無知己。身世從來付大空。

慶曆七年冬卷下

夜雨

茅檐點滴妙成音。消滅胸中五濁心。不著放翁歌海闢。禪門聽做穎師琴。

病中雜詠八首 節三

匹似維摩居士身。朝昏默臥養精神。病牀堪恨知音少。不二門中垂死人。
六時嘗藥卧床頭。生死悟來何說愁。畢竟人間皆幻夢。玉侯奴僕此中游。
深秋伏枕至嚴冬。藥鼎蕭條心事慵。况又五更眠不就。怕聞風霰灑寒松。

畫猿

何須朝四暮三謀。馴得主人忘古丘。母子共消飢渴患。生涯不解斷腸愁。

臘底立春

吟心暗地迓東皇。臘雪猶殘籬外塘。莫道餘寒妨淑景。吾園梅柳氣揚揚。

至日

新陽消息要相知。點檢南園梅一枝。日晷且欣隨處永。漢宮添線我添詩。

牽牛花

慶曆七年冬卷下

延蔓多情纏翠蔓。花含濃露吐秋光。誰言麗質暫時老。
陸續朝朝開旋長。

梅邊聽鶯

數枝交影水邊橫。姑射仙妃不耐清。賴有金衣公子訪。
故添春意著嬌聲。

新年作

乾坤萬物占陽和。春到人間興奈何。意馬空馳千里外。
心猿還愧二毛多。

鍾馗圖

箇是終南進士馗。明皇夢裏忝新知。人間虛耗難除却。

空護床頭笛一枝。

霜夜作

窓筠風死夜沈沈。聰聰寒鐘有別音。卧到五更眠未就。
佛燈挑起坐禪心。

途中逢雨

赤雲忽沒黑雲圍。驟雨傾盆過翠微。好是午炎全洗盡。
山村一路拾涼歸。

訪戴圖

雪月玲瓏夜興豪。尋人不見好回篙。當時若使敲門去。
安道不應還作高。

送法瑞

出家三界本無家。再會難期豈可嗟。只等歸鄉開法日。滿山會見雨天花。

寄昆溪先生

負笈歸鄉恨有餘。陪游迹遠好音疎。壁頭圖縮江都地。坐近先生下谷居。

秋夜吟

西風一陣碎梧桐。纖月如鈎掛碧空。詩客不來吾豈恨。酬吟有此草間蟲。

晚冬山居

樵父不過山寂寥。雪深今曉失溪橋。三冬活計柴薪外。芋栗一籃酒一瓢。

午日

一味蒲觴驅病魔。醉餘高唱濯纓歌。當年屈子太愚矣。獨醒况還沈汨羅。

中秋

三五常時月影團。詩僧每復倚欄干。世人元自無明眼。偏向今宵徹夜看。

喜友人到

山僧無事鎖禪門。詩友携來酒一樽。無手自甘頻勸醉。

慶應十家絶句卷下

談空不覺到黄昏

慶應十家絶句卷下
今親夫對離二夕古信崇德
...

芥吉郎輯

慶應四^戊辰三月官許

東都

書肆

日本橋通三丁目

山城屋佐兵衛

横山町三丁目

和泉屋金右門

芝神明前

和泉屋吉兵衛

淺草茅町二丁目

須原屋伊八

下谷御成道

英屋文藏

昌平橋外明神下

嶋屋平七梓

010190522348

48-13218

